

DE
HYDROCEPHALO.

DISSERTATIO
INAUGURALIS MEDICA

QUAM
CONSENSU ET AUCTORITATE GRATIOSI
MEDICORUM ORDINIS
IN UNIVERSITATE LITTERARIA BEROLINENSI

UT SUMMI

IN MEDICINA ET CHIRURGIA HONORES
RITE SIBI CONCEDANTUR

A. D. II. M. JUNII. A. MDCCCXX.

H. L. Q. S.

PUBLICICE DEFENDET

AUCTOR

FRID. HERMANNUS REUSCH

OTTMARSSBOCHOLDIENSIS - GUESTPHALUS.

OPPONENTIBUS
BECKER ET PIELSTICKER,
STUDIOSIS MEDICINAE.

BEROLINI TYPIS TH. BRÜSCHKE.

V I R O

GENEROSO PRAENOBILISSIMO AMPLISSIMO

CHRISTOP. de NOTZ

SUMMA REVERENTIA PIETATEQUE

COLENDO

NEQUE MINUS

V I R O

PRAENOBILISSIMO REVERENDISSIMO

IOHANNI HEINRICO
SCHULTE im BUSCH

TUTORI SUO DILECTISSIMO

SUMMA REVERENTIA PIETATEQUE

COLENDO

H A S C E

LITTERARUM SUARUM PRIMITIAS

D. D. D.

AUCTOR.

De Hydrocephalo.

Nomen Hydrocephali a Graecis vocibus ὕδωρ et κεφαλή ductum, morbosam humoris in capite collectionem generatim significat. Morbus hominum variis animalibus domesticis, uti equo, vitulo, ovi, est communis. Secundum originem, sectionem, decursum, atque complicationes in varias species dividitur. Huc spectant: Hydrocephalus externus, si aqua inter cutem et cranium sine communicatione cum cerebro haeret, Hydrocephalus internus, si humor in cavo cranii stagnat, qui quidem pro diversitate loci, quem obsidet, in Hydrocephalum internum proprie sic dictum, latice inter cerebrum atque cranium effuso, et in Hydrocephalum encephaloden, latice in substantia cerebri, cerebellique vel in ejus ventriculis habitante, subdividitur; Hydrocephalus universalis at-

que partialis, prout fluidum cerebro toti vel parti incumbit; Hydrocephalus complicatus atque simplex, prout cum aliis morbis vel sine his incedit; Hydrocephalus chronicus et acutus, quae nomina a decursus diuturnitate sumta habemus, Hydrocephalus idiopathicus, affectio primaria capitis, symptomaticus vero alterius morbi effectus est atque comes.

Symptomatologia.

Symptomata, quae nos de hoc morbo certiores faciunt, sunt secundum morbi stadium atque sedem diversissima, quapropter quaevis species speciatim nobis est tractanda. Igitur ab Hydrocephalo externo incipiamus. Hic aquae morbose secretae collectio ut jam supra memoratum, inter cutem et cranium sine ullo cum cerebro ejusve membranarum commercio sedem suam habet. Saepissime fluidum in tela cellulosa inter cutem atque pericranium invenitur, quo in casu Hydrocephalus cellulosus vocatur, et per tumorem mollem et inelasticum, fluctuantem, cute tensa, colore parum aut nihil mutato, totum fere capitis circuitum obsidentem, neque pulsantem sese ma-

manifestat. Ossium margines digito explorante haud amplius detegi possunt. Interdum vero aqua sub pericranio ipsis in ossibus collecta est, ubi tumor magis tensius, durior, et raro supra totum caput est diffusus, sed modo uni vel pluribus locis incumbit, unde et nomine Hydrocephali partialis externi insignitus est. Hic aqua in sacco invenitur, qui forma sua externa tumores cysticos refert. Interdum Hydrocephalus internus aqua suturas debilescentes penetrante in superficie cranii hydrocephalo externo partiali tumores similes praefert. quo diagnosis turbatur. Exploratio vero tumoris accuratior, qui bursae propendentis formam exhibet, ceterorumque symptomatum, quae omnia in hydrocephalo externo, minus aegroto inimica sunt, cum cerebrum non sit affectum, lucem praefert. Tumores, qui ex hydrocephalo interno originem suam trahunt, pressi vertiginem, obnubilationem, convulsiones etc. movent.

Hydrocephalus internus chronicus, saepissime congenitus una cum aliis formationis vitiis in conspectum venit. Qua propter nisus formativi retardatio aut aliud vitium haud injuria inculpatur, (vide Meckel Handbuch der pathologischen Anatomie.) Interdum accidit, ut hoc malum annis

pluribus post notalem diem praeterlapsis adpareat, quod inter secundum et septimum annum, ossibus cranii mollibus flexibilibusque fieri solet. Dispositio ad hunc morbum jam dudum ante eruptionem ossibus calvariae distantibus, sese prodit. Propter decursum diuturnum, qui saepe plures menses et annos perdurare potest, a nonnullis medicis et hydrocephalus chronicus appellatur. Aqua inter cerebrum et cranium, modo inter membranas ipsas, modo inter illas et cranium vel cerebrum pedetantim accumulatur, vel etiam in magnis saccis, qui hydatides audiunt includitur, vel in substantia cerebri haesitans invenitur.

Raro aquā inter cerebrum et piām matrem stagnat. Per aquae collectionem in cranii cavitate ossa et integumenta externa adeo distenduntur, ut capitis circuitus viginti quatuor, ad triginta digitorum et amplius sit, atque ossa ipsa post mortem tenuissima perforataque inveniantur. Dilatio omnibus in partibus non semper aequalis est, sed in ossificationis punctis, praeprimis ossium frontis maxima esse solet. Quo fit, ut inter ossa cranii atque faciei magna dispropotio oriatur, et totum caput massa informis ingens adpareat. Aqua, quae saepe copiosior, quum ut credi possit, ab

ancia una ad libras octodecim adest, continuo cerebrum premit, et ejus formationem cohibet, unde post mortem valde minutum interdum etiam tam extensum, ut crassitudo ejus modo, quatuor vel sex linearum sit, nobis se ostendit.

Glandulam pituitariam atque pinealem ambitu nimis auctam, vasa resorbentia dilatata, gyros, sulcos cerebri penitus deletos invenimus. Qui hoc morbo laborant, habent faciem pallidam, cutem tenerrimam, oculos lacrimantes, prominentesque. Facies torva, interdum strabismus, pupilla dilatata, pulsus celer, parvus, inaequalis. Fere perpetui cervicis capitisque dolores adsunt, de gradatatis frigorisque sensu in capite queruntur, urina parca, lactea et sudor. (vide Formey von der Wassersucht in den Hirnhölen. Berlin 1810.

Respiratio anhelosa, anxia, visus auditusque turbatus, narium pruritus, quas inde miseri saepe errunt. Cachexia, si cum hoc malo incedit, vitiis organicis, hepatis, lienis, etc. niti solet. (vide von Boerhaave Abhandlungen der Gehirnhölen Wassersucht, in seinem Buche der Kinderkrankheiten. Wien 1783.

Morbo provento gravitas capitis crescit, caput inclinatum vel retro collapsum gerunt, stupidi et

muti redduntur, sunt somnolenti, et oculis semiapertis dormiunt. Titubant dum incedunt pedem super pedem decussatim proponunt, digitos libenter sugunt, et in ore aliquid tenent. (vide Goelis Abhandl.

Frequenter ā tussi vomitu, convulsionibus maxime erecti et morbo crescente corripiuntur, quibus ab affectionibus minus affliguntur, quando cubant.

Dentitio praeter normam peragitur. Corpus macie conficitur, languescit. Fonticuli atque suturae non coalescunt. Sub finem morbi valde dilatantur, oculus lucis receptivitatem amittit, lingua arida calidaque observatur. Sensus deminuuntur, caput humeris recumbit, pedes tumescunt, pulsus minor, frequentiorque redditur, denique in soporem et convulsiones cadunt, quas mors e vertigio sequitur.

Huic affinis est Hydrocephalus acutus cerebri ventriculorum, qui longe velocius, modo per quatrimum, modo triginta dies, et ultra decurrit, et cum symptomatibus atrocioribus incedit. Aquae collectio in cerebri ventriculis est, unde cerebrum intus premitur. Crānii ossium distensio nulla observatu, quae generatim jam coaluerunt, unde

erebri pressio atque irritatio vehementior. Fe-
quentius pueros, quam adultos infestat. Illis ab
anno aetatis secundo usque ad octavum, raro prius
vel serius, insidias struit maxime inter dentitionem.

Quae symptomata hydrocephalum acutum no-
tis significant, sunt fere haec: Dispositio heredi-
taria atque congenita negari non potest. Pueri
haec designati, modo prius modo serius post nata-
lem diem, calvariae formam propriam, quae simili-
or globo, quam ovo est, habent. Oculi penitus
in orbitas quasi retracti, os frontis latum valde
prominens, caput totum majus, quam ut aetati
respondere possit. Ingenium solito prius valet.

Modo sine, quod in Hydrocephalo acutissimo
observatum habeo, modo cum prodromis scenam
aperit. Huc spectant:

- I. Exanthema aridum tenueque in lacerti la-
tere interno.
- II. Urina lactea, turbida, quae jam dudum
ante eruptionem morbi redditur.

(vide Odier vom Wasserkopfe in Sammlung
ausserles, Abhandl. für prakt. Aerzte. B. 9,
S. 320.

Formey in dem oben angeführten Werke.

- III. Pueri ante hilares morose se habent, a par-

tu fere continuo vagiunt lamentanturque, pedibus capiteque erectis, situm decubitus supinum amant. Feces sunt virides, quod Goe-
lis (vide seine Aahandl.) signum certissi-
mum hydrocephali imminentis habet.

Saepe ingemiscunt in unum locum oculi de-
figuntur, aegrotulique resante sibi pergratas
abhorrent, vomunt, nares saepe scabunt,
res porrectas capturi non tanguunt. Somnus
rarus et inquietus, indeque excitati clara voce
clamant. Pulsus nunc quidem normalis, raro
sermonem explicare discunt, balbutiunt, vul-
tus stuporem declarat, et ipsos negligunt pa-
rentes.

IV. Titubant dum incedunt, cadunt facillime et
passibus magnis, et quasi pedibus paralyticis,
sese dimovent. In genis rubor circumscriptus
vel in ambabus vel modo in altera palida.

Morbo provento multa symptomata ejusmodi
et frequentius animadvertuntur, quae morbum
clariorem et medico ignaro facile cognoscendum,
reddunt. Cum morbus symptomatibus subinde
recrudescentibus progreditur. Decursus totus in
tria stadia a medicis est divisus, de quibus protin-
us verba faciam.

Stadium primum his designatur: plurima symptomata sensibilitatis augmentum indicant; v. c. impatentia rumoris cujusvis timor lucis cum pupillarum contractione, aegri sunt inquieti, de doloribus vagis caput praeprimis tempora, frontem, cervicem, humeros, brachia, abdomen, occupantibus, qui saepe subito evanescunt et revertuntur, neque pulsu neque musculorum agitatione augentur, multum queruntur. Calor praecipue capitis innotuit, alvum obstruunt, appetitu vigente habent, lingua humida puraque, vel muco tenui repleta, cutis arida, urina clara, pellucida, limpida, parca. Inter cephalaeam magnam photophobia ad retinam sensibilitatis augescentis, evoluitur.

Oculi lacrymantur, conjunctivae vasâ sanguiferâ turgent. Pulsus celerrimus atque inordinatus est, sub vesperem febris paroxysmi nullo ordine adparent. Ad caput miseri inscii manus saepe referunt situm erectum tenere nequeunt, sed stantes titubant tremuntque. Accedit vomitus pertinacissimus, qui in erecto situ valde crudescit. Accedunt delirium somnolentia, pavores ex somno, et in lecto sese cum hilaritate elevant.

Sub his signis

Stadium secundum irrumpit, Antecedentibus

acutis natura mutatis, nova symptomata adsociantur. Somnolentia atque inquietudo in soporem torporemque sese convertunt, fere omnia sensibilitatem atque irritabilitatem decrescentem annunciant. Miseri capiti tollendo impares, eundem situm tenent, erecti let in situ sedentario atenti, inquiete se habent, student capite recumbere, quo facto quiescunt. Quod tentamen in omnibus hoc morbo laborantibus ad diagnosin confirmandam est constituendum. Lucis receptivitas penitus deletur, pupilla maxime dilatatur, vel fit potius paralytica, oculi semiaperti vultus torvus interdum tamen oculi convulsivi huc illuc moventur.

Objecta porrecta quaerere videntur; tangere tamen non possunt. In hoc stadio saepe diarrhoea erumpit, qua saepe vermes evacuatur. Sub vesperem calor exiguus, pulsus a prioris stadii celeritate ita descendit; ut in horae parte sexagesima modo quinquaginta, usque sexaginta ictus absolvere soleat. Respiratio debilis et inordinata evadit.

Stadium tertium: manus pedesque alternatim calescere atque frigescere incipiunt. Faciei musculi spasmis contrahuntur, saepe latus unum spasmis, modo clonicis, modo tonicis cruciatur. Pulsus repente mutatur, debilis, vix perceptibilis,

remulus, plenus, durus, celerrimus est. Respiratione celeriter, spastice, nunc tarde, profunde perficitur. Lingua atque dentes nigrescunt. Alvus obstinatissime obstructa, abdominis muscoli ad vertebrae contracti, singultus, paralyses, tetanus insidunt, pueri sensibus omnibus orbantur, obcaecantur, turdescunt, torpescunt, mutescunt.

Oculi nitorem prorsus amittunt, muco tectuntur, sub convulsionibus vehementibus mori perit.

D i a g n o s i s.

Symptomatibus supra enumeratis diagnosis, constituenda, sed nequaquam sine cautione circumspeditioneque magna, ne in errores noxios incidamus, cum saepe morbis signis praesentibus, aliis causis, uti vermibus, dentitione gravi cerebri, tuberculis abcessibusque etc. allatis morbus ipse insit, et vice versa, quod a P. Frank observatum est.

Morbi cum quibus Hydrocephalus facile per se confunditur, sunt praecipue helminthiasis, affectus gastrici, catarrhus, dentitio. Attamen ab aspectu primi morbi differt, quod morbus ver-

minus capitis doloribus soporoque minus contentibus, abdominis dolore vero vehementiore insignis est. Vermibus praesentibus abdomen inflatum et saepe vermes exclusi apparent, convulsiones non semper, sed repente in conspectum veniunt, in Hydrocephalo modo provecto. In helminthiasi oculi pupilla dilatata, sed non photophobia invenitur. In illa lingua muco tenaci tecta, in hac nunquam, pueri hydrocephalo laborantes titubant dum incedunt, helminthiasi nunquam.

Ceterum capitis forma morbi decursus, haud raro statum praesentem sat illustrat.

Sordibus in abdomine collectis, lingua muco tecta, sapor ingratus, oris odor ingratus, appetitus abolitus reperiuntur, in Hydrocephalo fere nunquam.

Catarrhus fiens cum Hydrocephalo acuto praecipue ineunte maximo aegroti damno confunditur. Ergo praedisponentem constitutionem atque antecedentia accurate respicias. Neque minus dentitio magnos noxiosque errores intulit; cum haud raro hydrocephalus inter eandem erumpit, et dentitio quasi causa ejus habenda est. Quae propria habet, sunt praeter alia praeprimis haec: rubor, dolor, calor, pruritusque gingivae, in quo loco dentium

eruptio instat, gingiva ipsa albescit, acuminiatur, duriores digito tangenti sese exhibet. Haec symptomata cum aetate aegri conjuncta medicum diagnosin instituentem ducant.

A e t i o l o g i a .

Hydrocephali omnis species causas cum quoque hydropis genere, partim communes, partim proprias habent. Ad illas spectant: causae praedisponentes. Quantum praedispositio, quomodo hereditaria modo congenita, modo et acquisita est, ad Hydrocephalum procreandum valeat, experientia quotidiana sat docet. Inde pueri constitutione debili laxa temperamento phlegmatico longe frequentissime profligantur, praecipue hereditaria praedispositio est pestifera, quae non raro stirpem totam trucidat; atmosphaera humida, refrigeria nervorum influxus, debilitas, morbi male tractati, exanthemata retropulsa, evacuationes habituales, vel naturales suppressae, evacuatione nimiae, rheuma, obstacula vasorum, vasorum lymphaticorum disruptio, spasmi, etc. ad has pertinent:

Aetas infantilis, qua actiones cerebri vitales per magnae, partes teneriores, quam ut sanguini

insistenti resistere possint, vitium conformationis capitis, uti causae praedisponentes, uti causae occasionales, injuriae externae vel in utero, vel inter, vel post partum capiti illatae, uti compressiones nimiae contusiones ictus, collum funiculo umbilicali circumdatum, quo sanguinis a capite refluxus retardatur etc. porro irritationes atque inflammationes, quas causas Hydrocephali primarias habet celeberrimus P. Fränk.

Quae opinio respectu Hydrocephali acuti, nequaquam absurda est. Ceterum haud negandum malum congenitum, sine causa antecedente perspicua, observationes quidem recentiores manifestant, secundum quas olim, quum mos esset, inter graviditatem venaesectiones instituendi, minus frequenter, quam hodie apparuit, his et temporibus in regionibus viniferis saepius quam in aliis observatur. Videntur comprobare, diætam nimis phlogisticam gravidarum multum ad hunc morbum excitandum valere. Causa proxima Hydrocephali secretio morbosa habenda est.

P r o g n o s i s.

Hujus morbi prognosin constituentes in aegroti constitutionem in causas, quae morbum in-

citaverunt atque nutriunt, in morbi sedem gradum diuturnitatemque, in complicationes si adsint, uti in varias rationes externas respicimus. Quod igitur Hydrocephalum, externum attinet, valeant se haec: in genere causis externis sine dispositione hereditaria advectus, facile curatur, facilius etiam si inter cutem et pericranium in tela cellulosa versatur, quam si inter hoc et cranium haerit atque in eodem. Quo in casu non raro cum Hydrocephalo interno conjunctus incedit, qui fere semper lethalis est. Si ergo hic aegrotum tenet, est prognosis funesta in genere, pessima si dispositio hereditaria praesentitur. Hydrocephalus inveteratus, cum cachexia, quaedam vix medicabili conjunctus, quo caput jam nimis intumuit, vix et ne vix quidem tollitur. Non minus ominosus est Hydrocephalus ventriculorum cerebri. Attamen stadio primo regnante inflammatione, cognitus saepe sanabilis, morbo provecto fere nunquam.

Quo major aquae collectae copia, eo pejus, si aegroti saepius ex somno expavescent, miliaria alba erumpunt mors est ante portam. Si in stadio tertio miseri convulsionibus unius lateris affliguntur, paucis modo diebus supererunt. Si vero morbus ad exitum faustum tendit, et sanitas

pristina reditura est, dijectiones alvi facilius succedere solent, aegri caput quaquaversum liberius movere incipiunt.

Interdum etiam diarrhoea aquosa mature erumpens convalescendi spem affert, cum ea exsudationes impediuntur. Tandem sudor calidus sequitur, pulsus fit frequentior mollis et sanitas redit.

C u r a.

Nostrum est sanare, igitur aquae evacuandae et collectione novae praecavendae operam damus, eâ mente ideo medicamenta interna externaque in usum vocamus.

Ad Hydrocephalum externum sanandum, raro medicaminibus internis opus est, sufficiunt in genere externa, quae cutem incitant roborantque, transpirationem movent, et tali modo evacuant. Huc spectant caustica, quae capitis variis locis adplicata ulcera artificiosa, quibus aqua defluit adducunt. Porro spiritus camphoratus, acet. squil. acet. vin. ungt. Neapolit. etc. frictiones specierum herbarum aromaticarum, fomentiones, vesicantia cervici et pone aures adplicatae, frictiones panni

anei fumo lentisci, succini, baccarum juniperi
impregnati, sternutatoria caute adhibita. Com-
pressiones fascia paulatim arctius adstringenda,
rolatae saepe optimum effectum exserunt. Neque
minus opus est, ut caput tegumentis aptis, uti
antei cerati, cuniculi pelle omninoque temperatu-
ra calida gaudeat. His tandem sat diu frustra ad-
hibetis, incisiones lanceola in tumoris parte infe-
riore instituenda sunt, neque tamen non cautione
et exploratione adhibita, utrum commercium cum
cerebro adsit, nec ne quod ex ante dictis cogno-
scere potes, quo in casu incisio est periculosa.
Qua his viis effusa fomentu adstringentia in capite
curam claudunt.

Contra Hydrocephalum internum s. chronicum
medicamina externa sola parum valent, quã-
propter modo cum internis juncta adhibentur. E
medicaminibus internis eliguntur, quae aegroti
vires falciant, urinae, sudoris, alvique excretiones
moveant, in genere, quae systema lymphaticum
preprimis agant. Huc spectant: Alkalia quaedam,
squilla maritima, digitalis, quam vero nunquam
tantis dosibus, quantae cerebrum male afficiant,
utere debes. Porro, baccae juniperi, petroselinum
radix ononidis spinosae, millepedae, cremor tar-

tari, flores sulphurici, acida vegetabilia et mineralia aquae minerales, selterana etc. China tandem, quam in forma decocti optime praescribe, glandium quercus coffea lacte vaccino juncta, radices rubiae tinctorum, et si abdominis obstructions infarctusque adsunt, calomelas cum digitali junctus remedium optimum exstat. Dosis in qua datur, est pro infantibus $\frac{x}{8}$ - $\frac{x}{4}$ grani, pro majoribus $\frac{x}{4}$ - 4 gr: additur digitalis purpur: $\frac{x}{2}$ - $\frac{4}{x}$ grani etc: atque tam saepe praebetur, ut per diem sex, vel octo dejectiones succedunt. Nec minus morbi initio, subjectis robustis visceribus integris, folia sennae, jalappa, gummi guttae etc: intervallis brevibus data prosunt. Etiam diaphoretica laudantur, camphora ammon: acet: opium.

Si paralyses adsunt, moschum, arnicam, scillam maritimam melle conjunctam in sequenti dosi:

Extr; arnicae gr: IV oxym: squillit: 311 maxime laudatum invenio.

Externe frictiones oleum terebinthinae in regione renali, ungt: juniperi, Neapolitanum, ungt: tart: stibiat: capite infricatum. Fonticuli pone aures, vesicantia atque setaceum cervici adplicata. Compressiones, raro sunt boni effectus, paracensis instituta mortem semper advocavit.

Hydrocephali acuti cura.

Hydrocephalus acutus alia natura, aliterque decurrens et alia medicamina, quae morbi stadiis adaequanda sunt, poscit. Igitur morbo in primo stadio, i. e. stad. inflammationis cognito, opposuimus methodum antiphlogisticam, ea mente igitur hirudines temporibus atque regionibus pone aures adplicamus, vesicantia in cervice ponimus, damus purgantia, diaphoretica uti salia vegetabilia mineraliaque, porro succos herbarum, mannam, pulpam tamarindorum. Aeger frigide habendus est, lux, rumorque absint, in situ alto caput quiescat, omnibus aestuantibus evitatis, uti pulvinare plumis infarcto, haustibus vini, carne etc. potiones refrigerantes acidiusculae ex aqua cum oxymelite mixtae valent. Neque cura animi negligenda est, omnia pathemata deprimentia exitantiaque salutariter removebis. Propter affectiones nervosus, quae morbi naturam in inflammatoriam hujus stadii concomitantur, venae-sectionem non instituimus.

Optime derivantia, ut a capite irritationem deducamus adhibemus, quod facillime per alvum ob connexum, intimum hujus cum capite effici possumus. Igitur purgantia tali modo ut quotidie

sex vel octo dejectiones alvi proferant, adhibemus. Optimum remedium mercurius dulcis est, qui a grano dimidio usque ad duo cum floribus Zinei pptā, Hba: digital: purpur: conjunctus, effectum egregium profert, juxta decoctum Levistici, valerianae, spirit: nitr: aether: adhibemus. Dosis est secundum copiam dejectionum proferendarum secundum aetatem constitutionemque augenda, minuedaque. Horum medicamentorum usum, tam diu continuamus, donec malum manifeste decrescat, quo facto dosibus paulatim minutim descendemus.

Digitalem squillam adhibens, cave ne obnubilationem congestionesque ad caput promoveas, ergo parvis dosibus $\frac{1}{8}$ - $\frac{1}{4}$ grani initium facias. Morbum decrescentim vomitu remittente ex urina copiosiore atque clara et lingua cutique humida, ex oculorum sensibilitate spastica, jamiam evanescente et ex hilaritate puerorum cognoscere potes. Externe etiam fomentationes frigidae in capite, balnea saponacea multum laudantur.

Morbo in stadium secundum transgresso, quod capitis frigus atque status soporosus praeprimis designat, methodus antiphlogistica in exitantem atque derivatoriam est convertenda, cave tamen ne quid

nimis. Medicamenta, quae pulsum nimis acce-
rant, congestiones ad caput exitant, uti opium, aet-
herem, vinum etc. evites.

Igitur eligas medicamina, quae in Systema ner-
vosum praeprimis, minus vero sanguineum agant.
Huc spectant: camphorae, alkali volatile, moschus,
etc. cum calomelani gr: uno, convulsionibus prae-
sentibus gr II - IV omni hora datis combinatis,
cui adhuc sal volat: c. c. ad grana duo adjungere
potes. Diuretica, uti thea, baccae juniperi, ect. in
hoc stadio egregia sunt, cum hoc in stadio metho-
dus derivatoria fortius agat necesse sit. Calomela-
nem statim dosibus magnis, e. g: ad grana quat-
tor usque octo dare debes, ut alvi dejectiones
copiosissimae sat diu succedant; calomelani nunc et
parva dosis digitalis addita prodest. Si mercurius
phtyalismum non movet sed dejectiones sub viri-
des consistentes producit, bonum. Ut derivatoria
externa, quae saepe effectum optimum adducunt,
vesicantia brachiis aurisque adplicata; frictiones acet:
equillo c. Tinct. cantharidum; in abdomine atque
auris institutae, ungt: Neapolitani inunctiones in
crurum latere interno, ad grana XV, usui interno
mercurii succurrendi causa, ungt: tart: stibiat
maxime laudantur. Frigoris applicatio a nonnul-

lis medicis commendata est. Ad hunc finem aetherem capiti tonso instillare (Formey) (quod tamen secundum experimenta Goelis nil prodest) fomentationes frigidas ex ammonio muriatico, kali nitrico aqua solutis paratas, omni horae quadrante, vel quoties calefactae sint, renovandas praescribunt. Porro vesicantia in capite ipso, neque minus ulcera artificialia adplicata, auxilium tulisse ferunt. His medicamentis omnibus frustra tentatis non raro perfusiones capitis ex frigida auxilium tulit, (Heim) qua tali modo instituantur. Postquam aeger apte collocatus est, collum pectusque refrigerationem praecavendi, causa satis tecta, ut aquam in radii forma, ab alto in caput antea tonsum cadat donec status soporosus evanuerit curamus. Quae operatio per dies plures, quoties sopor revertat, renovatur, juxta medicamenta interna dare potes. Morbi decursu diuturniore, si calomelani multum sumtum est et cerebrum valde laticis in ventriculis collecti pressione laborat flores arnicae in forma decocti ad 3i per diem sumti egregie prosunt. Causae occasionales congenitae, et hoc et in morbo therapiam maxima modificant. Si igitur refrigerium malum excitavit, sudorifera si exanthe-

matu retropulsa, balnea acria, ulcera artificialia etc
medicamina efficacissima habentur.

CURRICULUM VITAE

EX DECRETO

GRATIOSAE FACULTATIS MEDICAE

BEROLINENSIS

ADIECTUM.

Ego Fridericus Hermannus Reusch Ottmarsb-
cholti Guestphalorum, anno MDCCXCVIII a. d.
31 mensis Aprilis natus, in domo paterna educa-
tus sum.

Anno 1809 Gymnasium monasteriense aggres-
sus per quinque annos litteris, quae ad humanita-
tem pertinent operam dedi. Quibus praeterlapsis
anno 1814 a. d. XV M. Novbr. inter cives Uni-
versitatis Monasteriensis receptus sum, et ducibus
Clar. Laymann studiis logices, psychologiae, Clar.
Roling physices, Clar. Werneking historiae naturalis,
Clar. Herold, botanices Clar. Sentrup osteologia et
anatomia, Clar. Bodde chemiae materiae medicae,
et artis formulas concinnandi, Clar. Siebenbergen
physiologiae, Clar. de Druffel pathologiae et the-
rapiae tam generalis quam specialis, Clar. Haindorff

ec morbis mentis, artis obstetricitiae theoreticae et
ractivae et chirurgiae, operam dedi, in arte ca-
a vera discecandi duce, Clar. Wegehausen pro
iribus incubui.

Exorto bello chirurgi militaris officio in noso-
comio Monasteriense functus sum.

Mense octobri anni MDCCCXVIII Berolinum
me contuli, civibus hujus Universitatis a Magn.
t. Weiss a. d. XXXI M. Octobr. adscriptus his
ectionibus interfui, Ill. Rudolphi de methodo stu-
ii medici, Ill. Horn de pathologia et therapia de-
ue doctrina morborum syphiliticum. Ill. Formey
ee cognoscendis et curandis morbis chronicis,
llar. Kluge de arte obstetricitia tam theoretica quam
ractiva, unaque Ill. Berends interpretationibus
brorum Celsi interfui. Denique policlinicum Ill.
ufeland, clinica medica Ill. Berends et Ill. Horn
ec minus chirurgica et ophthalmiatica virorum
l. Cel. Graefe et Rust, quo potui assiduitate fre-
mentavi. Tentamine, examine riguroso et cursu
atomico-chirurgico rite absolutis, spero fore ut
occe de Hydrocephalo dissertatione publice defen-
e, summi in medicina et chirurgia honores in
ae conferantur.

THESES DEFENDENDAE.

I.

Chirurgus perfectus, qui non sit medicus perfectus, existere nequit, sed non vice versa.

II,

Non solum evacuatione, sed etiam affectu in nervos, agunt vomitaria.

III.

Pleurae inflammationem ab pulmonum inflammatione vita superstite haud distinguere potes.

IV.

Tussis convulsivae natura inflammatione non nititur.

V.

Aegroti admodum cadaverosus non est signum certum mortis adpropinquantis.

VI.

Morbi chronici magis diaeta, quam medicamentis curandi sunt.
